



Broj: JN1-03-16-7-30-12-2/24
Sarajevo, 28.10.2024.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" br. 39/14, 59/22 i 50/24), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za nabavke iz Zapisnika o pregledu i ocjeni ponuda, broj: JN1-03-16-7-11-2/24, od 21.10.2024. u otvorenom postupku za nabavku kompjuterske opreme za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi

ODLUKU
O IZBORU NAJPOVOLJNIJEG PONUĐAČA
Nabavka kompjuterske opreme za potrebe Parlamentarne skupštine Bosne i Hercegovine
Lot 2. Printeri

I.

Prihvata se preporuka Komisije za nabavke iz Zapisnika o pregledu i ocjeni ponuda broj: JN1-03-16-7-30-11-2/24 od 21.10.2024.godine i ugovor za nabavku kompjuterske opreme za potrebe Parlamentarne skupštine BiH za Lot 2. Printeri, dodjeljuje se izabranom ponuđaču FixIT d.o.o. Sarajevo, ul. Zaima Šarca 24, 71 000 Sarajevo, IDB 4202048930006, za ponuđenu cijenu od 22.050,00 KM bez PDV-a odnosno 25.798,50 KM sa PDV-om.

II.

- (1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 11.2. Tenderske dokumentacije za nabavku kompjuterske opreme za potrebe Parlamentarne skupštine Bosne i Hercegovine, broj: JN1-03-16-7-30-6/24, od 17.9.2024
- (2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, postupak će se poništiti.

III.

Prijedlog Ugovora dostavit će se na potpis izabranom ponuđaču po isteku roka od petnaest dana, računajući od dana kada je obavješten o izboru najpovoljnijeg ponuđača pod uslovom da žalba ne bude uložena, a nakon pribavljenog mišljenja Pravobranilaštva Bosne i Hercegovine za njegovo zaključenje.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Obrazloženje

Postupak nabavke kompjuterske opreme za potrebe Parlamentarne skupštine Bosne i Hercegovine, pokrenut je Odlukom o pokretanju postupka javne nabavke, broj: JN1-03-16-7-30/24, od 3.9.2024.

Predmet nabavke podijeljen je na tri lota, i to:

- Lot 1. Računari i laptopi,
- Lot 2. Printeri i
- Lot 3. Terminali za evidenciju radnog vremena:kontrola pristupa AXESS TMC X3.

Ukupna procijenjena vrijednost javne nabavke iznosi 259.800,00 KM sa PDV-om (222.051,28 bez PDV-a). Procijenjena vrijednost nabavke za Lot 2. Printeri iznosi 25.800,00 KM sa PDV-om (22.051,28 KM bez PDV-a).

Komisija za nabavke imenovana je Rješenjem Kolegija Sekretarijata, broj: JN1-03-16-7-30-1/24 od 3.9.2024.

Javna nabavka je provedena putem otvorenog postupka.

Tenderska dokumentacija Ugovornog organa, broj: JN1-03-16-7-30-6/24, od 17.9.2024 objavljena je na Portalu javnih nabavki 17.9.2024.

Obavještenje o nabavci, broj: 166-1-1-27-3-50/24, od 17.9.2024., Objavljeno u „Službenom glasniku BiH“ broj: 63/24.

Tendersku dokumentaciju iz sistema “E-nabavke” preuzelo je 34 ponuđača.

Do termina zakazanog za predaju ponuda odnosno do 21.10.2024. do 10,00 sati blagovremeno je dostavljena jedna ponuda za Lot 2. Printeri, i to:

Redni broj sa omotnice ponude	Naziv i sjedište ponuđača
1.	FixIT d.o.o. Sarajevo, ul. Zaima Šarca 24, 71 000 Sarajevo

Komisija za nabavke izvršila je javno otvaranje ponude pri čemu je sastavljen Zapisnik o otvaranju ponuda broj: JN1-03-16-7-30-9/24, od 21.10.2024., i Zapisnik o zaprimanju ponuda, broj: JN1-03-16-7-30-8/24, od 21.10.2024., koji su uredno dostavljeni prijavljenom ponuđaču.

Komisija za nabavke izvršila je pregled i ocjenu dostavljene ponude te je uvidom u priloženu dokumentaciju i suštinskom provjerom sadržaja i validnosti dokumentacije, utvrdila da je ponuda FixIT d.o.o. Sarajevo, ul. Zaima Šarca 24, 71 000 Sarajevo za Lot 2. Printeri, dostavljena u skladu sa formalno-pravnim, ekonomskim i tehničkim uslovima koji su traženi u Tenderskoj dokumentaciji.

Polazeći od činjenice da je u postupku nabavke kompjuterske opreme za potrebe Parlamentarne skupštine BiH za Lot 2. Printeri, dostavljena jedna prihvatljiva ponuda, Komisija za javnu nabavku, nije provodila predviđenu E-aukciju kao ni fazu vrednovanja i rangiranja prihvatljivih ponuda shodno kriteriju „Najniža cijena“, te je konstatovala sljedeće:

Ponuđač	Predmet nabavke	Ukupna cijena ponude bez PDV-a	Ukupna cijena ponude sa PDV-om
FixIT d.o.o. Sarajevo	Lot 2. Printeri	22.050,00 KM	25.798,50 KM

Shodno navedenom, Komisija za javnu nabavku jednoglasno je preporučila Kolegiju Sekretarijata Parlamentarne skupštine BiH (Zapisnik, broj: JN1-03-16-7-30-11-2/24 od

21.10.2024. u prilogu) da u postupku nabavke kompjuterske opreme za potrebe Parlamentarne skupštine BiH za Lot 2. Printeri, donese Odluku o izboru najpovoljnijeg ponuđača kojim ugovor za nabavku kompjuterske opreme za potrebe Parlamentarne skupštine BiH za Lot 2. Printeri, dodjeljuje izabranom ponuđaču FixIT d.o.o. Sarajevo, ul. Zaima Šarca 24, 71 000 Sarajevo, IDB 4202048930006, za ponuđenu cijenu od 22.050,00 KM bez PDV-a odnosno 25.798,50 KM sa PDV-om.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javnu nabavku da se ponuđač FixIT d.o.o. Sarajevo izabere za realizaciju javne nabavke kompjuterske opreme za potrebe Parlamentarne skupštine BiH za Lot 2. Printeri te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

1. FixIT d.o.o. Sarajevo, ul. Zaima Šarca 24, 71 000 Sarajevo
2. a/a

KOLEGIJ SEKRETARIJATA:

Mirza Imamović _____

Gordana Živković _____

Dražen Mustapić _____